

Greiðsluleiðir

FÖSTUDAGUR 19. JANÚAR 2018


Kynningar: Síminn, Aur app, Greiðslumiðlun, Reiknistofa bankanna, Verifone á Íslandi



Mikil þróun er fram undan á appinu og nú þegar komnar nýjungar inn, segir Bryndís. MYND/ANTON BRINK

Allir geta borgað með **Símanum**

Hægt er að greiða með Síminn Pay á yfir 200 sölustöðum og fylgjar þeim hratt þessar vikurnar. Nú má einnig skrá fyrirtækjakort í appið og fá kvittanir sendar í tölvupósti. Síminn býður öllum, óháð fjarskiptafyrirtæki, að greiða fyrir vörur og þjónustu og halda utan um útgjöld með Síminn Pay. ➔2



Hægt er að greiða með Símanum á kaffihúsum og mörgum fleiri stöðum.

Framhald af forsiðu →

Síminn færir veski landsmanna yfir í símtækin. Appið mun von bráðar leysa vildar- og klippikort notenda af hólmi. Stefnan er að þeir fái betri kjör. Við erum að einfalda líf fólks með Síminn Pay,“ segir Bryndís Þóra Þórðardóttir, sérfræðingur í nýsköpun hjá Símanum. Greiðslulausn Símans fór á markað í september á síðasta ári og má nú greiða með símanum á yfir 200 sölustöðum.

Allar kvittanir á einum stað

„Mikil þróun er fram undan á appinu og nú þegar komnar nýjungar inn. Núna getur fólk til að mynda skráð fyrirtækjakort til leiks. Það einfaldar málið mjög að halda utan um eyðslu og bókhaldið því notandinn getur sent rafrænu kvittanirnar, sem sýna hvað keypt var, úr appinu í tölvupósti,“ segir hún.

„Við erum að færa Símann inn í snjallviðskipti og gera söluaðila samkeppnishæfari með því bæði að gefa þeim kost á að þekkja viðskiptavinina betur og að geta boðið þeim betri kjör og tilboð í gegnum Síminn Pay,“ segir hún. „Það eru gríðarlegar breytir á næstu misserum í fjártækniheiminum vegna nýrrar reglugerðar sem opnar á nýja samkeppni á fjármálamarkaðnum. Í því liggja mörg spennandi tækifæri fyrir nýja aðila og munu notendur sjá miklar breytingar og þróun á næstu árum. Síminn ætlar að taka þátt í þessari breytingu.“

“Síminn Pay er ókeypis app sem sótt er í Play Store eða App Store og skráir notandinn kortin sín þar inn.

Bryndís Þóra Þórðardóttir

Greiðslulausn fyrir alla

Síminn Pay er greiðslulausn þróuð í samstarfi við Advania Mobilepay og fetar Síminn í fótspor tækniranna Apple og Samsung sem bjóða sínar greiðslulausnir undir sama nafni. „Okkar lausn hefur það fram yfir aðrar að hún er sérsníðin að innlendum verslunum og landsmönnum,“ segir Bryndís.

„Síminn Pay er örugg greiðslulausn. Engar kortaupplýsingar eru geymdar í appinu og þarf notandinn alltaf að staðfesta greiðslu með fingraskanna eða PIN-númeri. Áhyggjur við notkunina eru því óþarfar.“

Appið sótt í Play- eða App Store

Síminn Pay er ókeypis app sem sótt er í Play Store eða App Store og skráir notandinn kortin sín þar inn. Þegar kemur að því að greiða er appið opnað, kortið sem nota á valið, mynd tekin af QR kóða við afgreiðsluborðið og varan greidd á einfaldan hátt. Kaupin eru staðfest með PIN eða fingraskanna. Kvittanir eru rafrænar og týnast því ekki.




Bryndís Þóra Þórðardóttir, sérfræðingur í nýsköpun hjá Símanum. MYND/ANTON BRINK



Viltu vinna iPhone X?

Allir sem greiða með Síminn Pay í janúar fara í pott og verður heppinn þátttakandi dreginn út og fær eitt stykki iPhone X. Síminn Pay appið frá Símanum er í boði fyrir alla, óháð fjarskiptafyrirtæki og banka, og virkar því fyrir öll íslensk debetkort og kreditkort. Þú skilur veskið einfaldlega eftir heima.



Snertilaus greiðsla í Síminn Pay

Það stýttist í að einnig verði hægt að greiða snertilaust með Síminn Pay. Þá verður enn einfaldara að greiða með símanum. QR-kóðinn er örugg leið til að greiða og sú lausn sem er í boði í dag, en það hillir í að hægt verði að bera símann upp að posanum og greiða fyrir þjónustu og vörur.

Erlendis hefur þessi leið verið kölluð Tap&Go og er hún víða notuð í nágrennalöndum okkar,“ segir Bryndís Þóra Þórðardóttir, sérfræðingur í nýsköpun hjá Símanum. „Síminn vinnur einnig að þessari lausn hér á landi og verður snertilaus greiðsla hluti af Síminn Pay innan skamms.“

Þessir staðir eru meðal þeirra sem bjóða Síminn Pay:

- 10-11
- Nettó
- Te og kaffi
- Kaffitár
- Olís
- Quiznos
- Dunkin' Donuts
- Samkaup Strax
- Samkaup Úrval
- Iceland
- NTC

Borgaðu og fáðu greitt með farsímanum

Aur appið býður upp á einfalda leið til að taka við greiðslum og senda rukkanir með því að vita eingöngu símanúmer viðtakanda. Einnig er hægt að taka lán upp að einni milljón með appinu og sækja um fyrirframgreitt kreditkort. Verkefnastjórar segja neytendur tilbúna til að segja bless við bankann.

Aur appið var stofnað árið 2015 og var fyrsta greiðslumiðlunaraðili á Íslandi. Hjá Aur eru eingöngu tveir starfsmenn og yfirbyggingin því mjög lítil. Frá upphafi höfum við lagt mikla áherslu á að vera fremst í flokki með nýjungar í greiðslumiðlun. Árið 2016 byrjuðum við að bjóða verslunum að taka

við greiðslum í gegnum Aur, bæði er boðið upp á greiðslu í gegnum vefverslanir sem og í hefðbundinni verslun. Appinu hefur verið gríðarlega vel tekið og hefur notendum fjölgað jafnt og þétt og eru virkir notendur nú rúmlega 40.000," segir Sævar Már Þórisson, verkefnastjóri hjá Aur.

Er hægt að segja bless við bankann?

Sævar segir lengi hafa verið kallað eftir aukinni samkeppni á fjármálamarkaði á Íslandi. Aur hafi veitt virka samkeppni allt frá upphafi:

„Í lok síðasta árs kynntum við tvær nýjungar sem vöktu mikla athygli. Aur lán sem eru allt að 1 milljón króna til allt að 24 mánaða. Sótt er um lán í appinu sem er alltaf opið, engar biðraðir og tími frá umsókn til útgreiðslu er í kringum ein mínúta. Á þeim tíma hefur umsækjandi farið í gegnum greiðslumat og fengið allar upplýsingar um lánskostnað, árlega hlutfallstölu kostnaðar og greiðsluflæði. Á sama tíma opnuðum við fyrir umsóknir fyrirframgreiddra MasterCard greiðslukorta en samkvæmt samanburðarsíðunni aurbjorg.is er Aur kortið ódýrasta kreditkortíð á markaðnum. Kortin eru án árgjalda, stofngjalda og færslugjalda. Kortin eru snertilaus og hægt er að borga hvar sem er í heiminum með Aur greiðslukorti. Notendur okkar hafa tekið gríðarlega vel í þessar tvær nýjungar og hefur fjölgað hratt



Hlynur Hauksson og Sævar Már Þórisson hjá Aur. MYND/ANTON BRINK

undánfarinn mánuð, það er því greinilegt að fólk er tilbúið að stiga fyrstu skrefin í að segja bless við bankann.“

Aur styttir tíma

Hlynur Hauksson hefur starfað hjá Aur í um eitt ár og hefur tekið eftir örum breytingum á markaði fyrir greiðslulausnir á þeim tíma: „Í nútímasamfélagi er sífellt mikilvægara að bjóða fólki upp á lausnir sem spara tíma og stytta leiðir. Aur gefur notendum sínum kost á að klára á nokkrum sekúndum að borga einhverjum, rukka einhvorn

eða skipta kostnaði. Það er engin þörf á því að fá bankaupplýsingar og kennitölu því nóg er að vita símanúmer þess sem á að borga eða rukka.“

Er flókið að setja Aur upp?

„Alls ekki. Það eina sem þarf að gera er að velja sér PIN númer, til að tryggja öryggi notanda, og skrá svo inn upplýsingar um banka-reikning sem notandi vill að greiðslur til sín fari inn á og kortanúmer á því korti sem taka á út af. Hægt er að skrá bæði debet- og kreditkort sem greiðslumöguleika

í appinu. Ekki er hægt að komast inn í appið án þess að slá inn PIN númer.“

Virkar appið í öllum símunum?

„Aur appið er fyrir alla iPhone og Android síma og skiptir engu máli hjá hvaða símafélagi notandi er eða í hvaða banka. Aur appið er fyrir alla.“

Kostar eitthvað að nota appið?

„Aur millifærslur kosta ekkert ef debetkort er notað, en höflegt færslugjald er innheimt ef kreditkort er notað.“

Aur posi fyrir netverslanir

„Aur posi hentar einstaklega vel fyrir netverslanir en með því að nota Aur sem greiðsluleið styttest kaupferlið og eykur þar með líkurnar á sölu,“ segir Hlynur. „Sífellt fleiri netverslanir bjóða upp á Aur sem greiðsluleið vegna þess hve einfalt er að borga. Það eru allir alltaf með símann við höndina en ekki veskið. Þegar borgað er með Aur er nóg að slá inn símanúmerið og staðfesta svo greiðsluna í appinu. Það er því engin þörf á að slá inn kortaupplýsingar. Dæmi um netverslanir sem nota Aur sem greiðsluleið eru t.d. Domino's, tix.is, Nova, midi.is og Húrra Reykjavík. Við höfum nú þegar lokið vinnu við uppsetningu í þremur stórum netverslunarkerfum; Shopify, Woocommerce og SmartMedia og erum á fullu að bæta fleiri möguleikum við.“

Verum óhrædd en gagnrýnin

Hjalti Freyr Kristinsson kerfisfræðingur stendur að baki myntfrelsi.is. Þar er hægt er að sækja frítt námskeið í notkun á rafmynt og nota einfalda myntbreytu til að sjá verðmæti vinsælla rafmynta.

Þórdís Lilja Gunnarsdóttir thordisg@365.is



Hvað er rafmynt? Rafmynt er gjaldmiðill á rafrænu formi, byggð á dulkóðun í þeim tilgangi að senda stafrænar upplýsingar með upphæðum á milli fólks. Í dag eru fjölmargar rafmyntir í gangi en hver og ein tengist sínum eigin bókhalds-reikningi sem á tæknimáli kallast „blockchain“. Hann heldur utan um allar færslur sem eiga sér stað á milli notenda og tryggir að færslurnar séu raunverulegar.

Hverjir nota rafmynt? Þeim fjölgar stöðugt um allan heim sem taka við rafmynt. Einstaklingar og fyrirtæki nota rafmynt sín á milli og það er aðeins tímaspursmál hvenær rafmynt verður orðin jafn algeng og notkun greiðslukorta.

Hvað er rafmyntin notuð? Fólk hefur mismunandi ástæður fyrir notkun rafmyntar. Einhverjir líta á hana sem nýja, óháða og milliliðalausa leið til að senda upphæðir sín á milli, aðrir eru að uppgötva hagkvæmnina sem felst í lægri færslugjöldum og mun skemmri tíma á greiðslum, og þá líta margir á rafmynt sem fjárfestingu og vænta þess að hagnast vel þegar gengi á henni hækkar.

Er tekið við rafmynt á Íslandi?

Eins og er fer ekki mikið fyrir þeim en á komandi tímum verður það áberandi. Allt snýst þetta um eftirspurn ásamt hagkvæmni fyrir kaupendur og eftir því sem fleiri kynna sér rafmynt verður eftirspurnarverðara að taka við henni sem greiðslu. Enn sem komið er mikla margir fyrir sér hvað þetta geti mögulega verið flókið en notkun rafmyntar er í raun jafn sáraeföld og greiðslulausnir í snjallsímum. Það er einfaldlega kveikt á viðkomandi snjallforriti, það tengt við snjalltækin og staðfest upphæð send á milli.

Eru Íslendingar duglegir að til-einka sér notkun rafmyntar? Það tekur alltaf tíma fyrir nýja hluti að komast í almenna notkun, en Íslendingar eiga það sameiginlegt að vera fljótir að meðtaka tækninýjungar og nýta sér það sem gagnast vel. Umræða og áhugi á rafmynt færast í aukana. Fyrir ári var varla minnst á rafmynt en nú liður varla sú vika að ekki birtist grein sem tengist rafmynt. Ég mæli með að allir kynni sér málið, fái sér smávægis inneign í rafmynt og læri grunnatriðin í notkun hennar. Þeim mun auðveldara verður að nýta sér rafmynt á þann hátt sem hún getur gagnast okkur en hræðslan við hið óþekkta er



Hjalti Freyr Kristinsson er kerfisfræðingur hjá Ljóseind og myntfrelsi.is. MYND/ANTON BRINK

yfirleitt það sem heldur okkur frá áframhaldandi þróun. Verum óhrædd en samt gagnrýnin.

Hver er verðmætasta rafmyntin? Í dag er Bitcoin vafalaust þekktasta og verðmætasta rafmyntin, en margar aðrar eiga eflaust eftir að taka fram úr Bitcoin. Á Íslandi kannast líka margir við rafmyntina Auracoin sem væri frábær leið fyrir Íslendinga að byrja

notkun á rafmynt okkar á milli.

Hvar kaupir maður rafmynt? Margar leiðir er færar til að kaupa rafmynt á netinu, í gegnum kauphallir og ýmiss konar kaupþjónustur. Kostir Íslendinga eru þó takmarkaðri því það taka ekki allir við íslenskum kortum. Á myntfrelsi.is er hægt að skoða ýmsar leiðir til að kaupa rafmynt, og þar gefst áhugasömum kostur á

ókeypis námskeiði í grunnnotkun og kaupum á rafmynt. Nokkur atriði þurfa að vera á hreinu áður en haldið er af stað við kaup á rafmynt, svo sem að setja upp rafrænt veski, öryggisatriði og hvernig millifærslur eru framkvæmdar. Þá er hægt að kaupa Auracoin í íslensku kauphöllinni ISX.

Er skynsamlegt að fjárfesta í rafmynt nú þegar hún hefur verið að falla í verði? Já, margir líta á það sem tækifæri til að kaupa rafmynt á útsölu. Rafmynt mun hækka og lækka eins og annað, en hver og einn þarf að taka sína eigin upplýstu ákvörðun um hvenær taka á af skarið. Mörgum reynist líka erfitt að skilja gengi rafmynta hverju sinni og á myntfrelsi.is er einföld myntbreytu þar sem hægt er að slá inn upphæðir helstu gjaldmiðla til að auðvelda áhugasömum að skilja verðmæti upphæðanna.

Hvernig séru framtíðina fyrir þér þegar kemur að greiðsluleiðum með rafmynt? Það mun líklega verða undantekning ef ekki verður tekið við rafmynt. Fjölmargir spennandi möguleikar eru í gangi, og ýmislegt nýtt að opnast fyrir okkur sem neytendur og rekstraraðila. Við þurfum bara að vera opin fyrir því sem koma skal og annaðhvort undirbúin eða ekki. Sjá nánar á myntfrelsi.is og isx.



Greiðslur með Pei eru einfaldar og öruggar, auk þess að vera fljótlegar í framkvæmd.

Örugggar greiðslur með Pei

Pei er einföld greiðslulausn sem gerir viðskiptavinum kleift að ganga frá kaupum á öruggan og einfaldan máta. Hægt er að skrá sig inn á pei.is til að sjá sína heimild en ekki eru gerðar kröfur um að vera skráður til að versla með Pei, að sögn Arnars Helga Jónssonar, ráðgjafa hjá Pei.

Greiðslur með Pei eru einfaldar og öruggar, auk þess að vera fljótlegar í framkvæmd,“ segir Arnar Helgi Jónsson, ráðgjafi hjá Greiðslumiðlun. „Allt ferlið er rafrænt og það tekur enga stund að klára kaupin sem þýðir að einstaklingur getur verslað í búðum eða á netinu án þess að eiga eða nota greiðslukort,“ útskýrir hann.

Þú stjórnar ferðinni

Einn af kostunum við Pei er að hver og einn stjórnar ferðinni sjálfur og getur fylgst vel með öllum færslum á sínu heimasvæði. „Þegar verslað er hjá einum af 700 söluaðilum Pei þarf einungis að gefa upp kennitölu og auðkenningu. Þegar salan hefur átt sér stað stofnast greiðsluseðill í netbankanum og einstaklingurinn hefur 14 daga til að greiða hann. Einnig er hægt að fá aukalega 30 eða 60 vaxtalaus daga sem gert er á sínu svæði inni á pei.is. Sem dæmi, ef þú verslar með Pei í dag og nýtir þér 60 lausnina þá er eindaginn á greiðsluseðlinum ekki fyrr en í byrjun apríl,“ upplýsir Arnar Helgi en þetta getur einmitt hentast vel núna þegar útsölur standa sem hæst.

Ef um hærri upphæð er að ræða má dreifa greiðslum til allt að 36 mánaða. Hámarksheimild sem einstaklingur getur fengið er allt að 1,9 milljónir króna.

Einfaldari kaup

Pei var sett á markað í byrjun árs 2016 og frá þeim tíma hefur verið



„Þegar verslað er hjá einum af 700 söluaðilum Pei þarf einungis að gefa upp kennitölu og auðkenningu. Við það stofnast greiðsluseðill sem þarf ekki að greiða fyrr en eftir 14 daga.“

Arnar Helgi Jónsson



unnið að því að einfalda öll kaup með þessari greiðsluleið, ekki sist á netinu. „Við höfum frá upphafi fengið frábærar viðtökur og viðskiptavinir Pei verið mjög ánægðir með þjónustuna,“ segir Arnar Helgi.

Þegar verslað er á netinu með Pei er allt ferlið eins einfalt og kostur er. Á netinu er líka hægt að skipta niður greiðslum til allt að 36 mánaða eða nýta sér 30/60 lausnina. Hver og einn getur svo fylgst með stöðunni á sínu heimasvæði á pei.is.

En hvernig er borgað með Pei? „Þú einfaldlega segir að þú viljir

borga með Pei því við gerum ekki kröfu um að einstaklingur sé forskráður. Við mælum hins vegar með að skrá sig inn á pei.is á einfaldan og fljótlegan hátt. Þar þarar þú saman kennitöluna og símanúmerið þitt svo að ferlið við að versla verði fljótlegt. Í verslun getur þú þá auðkennt þig með að fá sms-kóða sendan í símann þinn við afgreiðsluborðið,“ svarar Arnar Helgi.

Það kostar ekkert að skrá sig á pei.is, hvorki fyrir einstaklinga né fyrirtæki.

„Pei er hagkvæmur kostur fyrir fyrirtæki og það kostar ekkert aukalega að bjóða viðskiptavinum upp á þessa greiðsluleið. Hægt er að senda póst á pei@pei.is og ganga frá samstarfssamningi,“ bendir Arnar Helgi á.

Hægt er að fá frekari upplýsingar um Pei greiðsluþjónustu á heimasíðunni pei.is eða með því að hringja í síma 527 5400.



„Þegar verslað er hjá einum af 700 söluaðilum Pei þarf einungis að gefa upp kennitölu og auðkenningu,“ segir Arnar Helgi. MYND/ANTON BRINK



Borgaðu eftir 14 daga
eða dreifðu kaupunum
á 36 mánuði

Farðu á pei.is/heimild
og skoðaðu þína heimild!

Einföld og örugg
leið til að versla á netinu





Aðalgeir Þorgrímsson heldur hér á Kvitt-greiðslunema RB. MYNDIR/ANTON BRINK

Ný greiðslulausn sem fækkar milliliðum

RB (Reiknistofa bankanna) er að setja á markað nýja farsímagreiðslulausn, Kvitt, sem byggir á beinum millifærslum á milli kaupanda og seljanda. Afar einföld lausn sem felur í sér mikinn sparnað og hagræði fyrir söluaðila og þægindi fyrir kaupendur.

Aðalgeir Þorgrímsson, framkvæmdastjóri Sérlausna RB, segir að fyrirtækið sé að koma á laggirnar nýrri farsímagreiðslulausn sem er einstæð hér á landi. „Kvitt er nýjung sem gerir kaupanda kleift að greiða fyrir vörur og þjónustu með sjálfvirkri millifærslu af eigin bankareikningi yfir á bankareikning söluaðila. Það eina sem viðskiptavinurinn þarf er farsímenn sinn til að geta greitt með tilheyrandi þægindum. Í verslunum verður komið fyrir litlum greiðslunema og það eina sem þarf að gera er að leggja símann upp að honum og staðfesta greiðsluna til að millifærslan eigi sér stað,“ útskýrir Aðalgeir. „Þetta mun taka örskotsstund og er ákaflega þægilegt í notkun,“ bætir hann við.

Ávinningur fyrir verslunareigandann er einnig mjög mikill með Kvitt. „Lausnin er einföld og notar ekki undirliggjandi kortaskema eins og aðrar greiðslulausnir. Það er því hægt að ná fram gríðarlegri hagræðingu í rekstri miðað við kortgreiðslur. Kvitt getur skilað allt að 60-70% sparnaði fyrir söluaðila miðað við kortin. Við höfum orðið vör við mikinn áhuga hjá söluaðilum því þeir sjá fram á mikla hagræðingu með Kvitt.

Sömuleiðis býður Kvitt upp á spennandi nýjungar í flæði í

verslunum. Það eru engin kort og enginn QR kóði til að flækja málin sem skapar sveigjanleika sem við höfum ekki haft áður. Við höfum verið að prufukeyra þetta fyrirkomulag með mjög góðum árangri. Möguleikarnir eru margir, til dæmis væri hægt að hafa nokkra greiðslunema til móttöku á greiðslu við afgreiðslukassa. Með því móti er hægt að hraða afgreiðslu til muna. Aðalmálið er að lausnin er sveigjanleg og gefur söluaðila tækifæri til að breyta afgreiðsluferlinu í samræmi við hans þarfir,“ segir Aðalgeir.

Kvitt er ekki ósvipað og debetkort að því leyti að viðskiptavinurinn staðgreiðir vöruna. Peningurinn fer beint út af bankareikningi viðkomandi og yfir á reikning söluaðila. Gríðarlegt hagræði felst í því fyrir verslunina að fá greiðsluna beint inn á reikninginn án viðkomu hjá milliliðum. Aðalgeir segir að síðan verði auðvelt að byggja upp alls kyns þjónustu í kringum greiðslulausnina, til dæmis greiðsludreifingu. „Ef ekki er næg innistæða á reikningnum gæti bankinn t.d. boðið yfirdrátt eða greiðsludreifingu á einfaldan hátt,“ segir hann.

Fyrst um sinn verður aðeins hægt að nota Kvitt á Íslandi. Samþærilegar lausnir hafa verið að ryðja sér til rúms í Danmörku,




Kvitt þróunarhópur er ánægður með viðtökur við þessari glænýju greiðsluleið RB.

Noregi, Hollandi og víðar en Ísland hefur dregist aftur úr hvað varðar notkun farsímagreiðslulausna samanborið við nágrennalöndin.

Kvitt er þessa stundina í prófunum hjá Elko, Farmasíu, Húasmíðjunni, IKEA og Krónunni. „Við erum virkilega ánægð með að hafa fengið slíka lykilaðila í smásölu til samstarfs í prófunarfasanum. Jákvæðar undirtektir söluaðila

sýna enn fremur að Kvitt á fullt erindi á markað og er öðruvísi en núverandi greiðslulausnir.“

Aðalgeir árettar að á meðan prufufasinn er í gangi geti aðeins afmarkaður hópur greitt með Kvitt í þessum verslunum. Á næstunni muni hins vegar fyrirtækjum sem bjóða upp á Kvitt fjölga. „Við hjá RB byggjum á traustum grunni,“ segir Aðalgeir. „RB hefur verið



Það eina sem þarf er farsímenn en hann er lagður upp að greiðslunema Kvitt í verslunum.

Kvitt er afar einföld lausn og þægileg í notkun, engin kort sem þarf að setja inn, enginn QR kóði.

- Opnar appið og velur að borga
- Berð símann að kubbi merktum Kvitt
- Staðfestir upphæðina sem birtist á símanum

leiðandi í uppbyggingu og rekstri greiðslukerfa landsmanna. Við hlökkum til að geta boðið almennungi upp á Kvitt og breyta þannig landslagi greiðslulausna á Íslandi.“

Nánari upplýsingar um Kvitt greiðslulausnina fást hjá RB, Höfðatorgi, sími 569 8877 eða á heimasíðunni kvitt.is

Borgun auðveldar viðskipti á netinu

Viltu taka við greiðslum á vefnum eða með appi? Borgun býður fjölbreyttar lausnir svo þú getir nýtt þér tækifærin á netinu og tekið við greiðslum í vefverslun.



BORGUN

Greiðslulausnir fyrir allar gerðir verslana og fyrirtækja

Verifone á Íslandi býður upp á fjölbreyttar og öflugar lausnir í posum fyrir stór og smá fyrirtæki og verslanir. Núna er verið að skipta út eldri tækjum og fram undan eru ýmsar spennandi nýjungar.

Verifone á Íslandi er leiðandi fyrirtæki í greiðslulausnum og býður upp á leigu á bæði handfrjálsum og sjálfstandandi posum auk posa sem eru tengdir við afgreiðsluferfi. Fyrirtækið er að fullu í eigu alþjóðlega fyrirtækisins Verifone Systems, Inc. sem hefur starfsstöðvar í meira en 150 löndum og því óhætt að segja að mikil þekking og reynsla búi hjá starfsmönnum Verifone að sögn Guðmundar Jónssonar, framkvæmdastjóra fyrirtækisins. „Um þessar mundir er útskiptum á eldri tækjum að ljúka og nú geta allir posar hjá Verifone tekið við snertilausum greiðslum frá American Express, MasterCard, Visa og Apple Pay en þær flýta fyrir afgreiðslu á lægri upphæðum.“

Nýjar greiðsluleiðir

Síðar á árinu mun Verifone á Íslandi opna fyrir notkun á blátönn (e. bluetooth) í posum til að taka við greiðslum með snjallsímum sem mun opna fyrir nýjar greiðsluleiðir og þjónustur

segir Guðmundur. „Það mun opna á nýja möguleika, bæði fyrir núverandi og nýja samstarfsaðila, til að innleiða greiðslulausnir sem byggja á snjallsímaforritum fyrir bæði iOS og Android síma. Verslanir geta þannig tekið upp nýjar greiðsluleiðir án þess að leggja út í dyran þróunarkostnað. Neytendur fá um leið fjölbreyttara val nýrra greiðslumáta, val um hvað hentar hverjum og einum best ásamt notkun á snjallsíma við greiðslu.“

Verifone á Íslandi mun á þessu ári hefja vinnu við innleiðingu á fjórðu kynslóð af posum frá því fyrirtækið var stofnað árið 1995 að sögn Guðmundar en um er að ræða nýja línu frá Verifone sem nefnist Engage.

„Verifone hefur undanfarin ár boðið upp á mjög breiða línu af posum en við höfum ávallt valið öflug tæki til notkunar á Íslandi enda er kortanotkun mikil hér og kröfur miklar um leið.“

Við innleiðinguna tökum við upp sömu hugbúnaðarlausnir og eru í notkun á Norðurlöndum og getum fyrir vikið boðið upp á breiðara vöruframboð.“

Sem dæmi nefnir hann greiðslulausn sem getur verið úti við og ómönnuð auk greiðslulausnar sem hentar vel spjaldtölvum. „Ísland á mikla samleið með Norðurlöndunum en þar er kortanotkun mjög mikil eins og á Íslandi auk þess sem töluverð þróun á nýjum greiðslulausnum á sér þar stað, sérstaklega sem tengjast greiðslu með snjallsímum.“

Viðtækari þjónusta

Verifone er ekki bara í þróun á sérhæfðum hugbúnaði heldur hannar og framleiðir Verifone einnig allan vélbúnað sem gerir þeim kleift að bæta nýjum þörfum inn strax á hönnunarstigi. „Með nýrri kynslóð af posum kynnir Verifone einnig markaðstorg þar sem samstarfsaðilar Verifone geta þróað og boðið ýmsa þjónustu í posum sem eru virðisaukandi fyrir verslun og þjónustu. Dæmi



„Verifone hefur undanfarin ár boðið upp á mjög breiða línu af posum þannig að við höfum geta valið öflug tæki til notkunar á Íslandi,“ segir Guðmundur Jónsson, framkvæmdastjóri Verifone á Íslandi. MYND/ANTON BRINK

um það eru t.d. auglýsingar, kannanir fyrir viðskiptavini, trygðarkerfi o.fl. Þannig að við eigum eftir að sjá fjölbreyttari not fyrir posana en bara móttöku á greiðslu. Einnig er ný kynslóð vélbúnaðar vottuð samkvæmt nýjustu öryggisstöðlum (PCI PTS) og

það verður enn betri stuðningur við blátönn, og handfrjálstu tækin koma með stuðningi við 4G og hafa enn betri rafhlöðuendingu.“

Nánari upplýsingar má finna á verifone.is.

Greiðsludreifing í þínum höndum

Stundum þarf að jafna útgjaldatoppna. Þess vegna getur þú dreift kreditkortareikningnum þínum í netbankanum eða Arion appinu á innan við mínútu.

 **Arion banki**
– fyrir framtíðina